

SA's Leading Past Year

Exam Paper Portal



You have Downloaded, yet Another Great
Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



**SA EXAM
PAPERS**



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LWESIBILI (P2)

INDLOVULENKHULU/MASHI 2013

IMEMORANDAMU

EMAMAKI: 70

Lememorandamu inemakhasi la-19.

SIGABA A: INOVELI

UMBUTO 1: KWASHA TIKHOTSA – LL Dlamini

Nankha emaphuzu langaphawulwa.

Indzabambhalo

Mswati wesibili

- Inkhulumiswano emkhatsini waMswati wesibili nebanakabo.
- Inkhulumiswano emkhatsini waMswati wesibili nenina.
- Inkhulumiswano emkhatsini waMswati netindvuna takhe.
- Mswati wesibili akevani nekutsi kube nekungevani nekucitseka kwengati esiveni sakhe.

Tsandzile

- Indlovukati ibambeke Mswati wesibili bukhosi ngemva kwekushona kwaSobhuza.
- Tsandzile unika teluleko letifanele kuMswati wesibili.
- Indlovukati ivakashela Mswati wesibili ngenhloso yekumcinisa nekumnika sibindzi.
- Tsandzile unika buholi lekungibo esiveni sonkhe jikelele.

Somcuba

- Somcuba ubamba imihlangano nebanewabo ngenhloso yekukhipha Mswati esihlalweni sakhe.
- Inkhulumiswano emkhatsini kwaMswati naSomcuba.
- Somcuba uyakhona kuhlanganisa banakabo abatjele emagama layokwenta bamzonde kuMswati wesibili.
- BanakaboMswati wesibili batsebele kuSomcuba kuwo onkhe emachinga lelawentako.

Sandlane

- Indvuna lenkhulu yaMswati wesibili.
- Unika teluleko letisita Mswati kutsi abuse kahle.
- Udala lucolo ngekutsi ahlanganise Mswati wesibili nebanakabo kutsi bacocisane.
- Nguye loba libambela lenkhosi uma inkhosi ingekho.

[35]

UMBUTO 2: KWASHA TIKHOTSA – LL Dlamini

- 2.1 B/Sicobolonjwana. (1)
- 2.2 A/Eludzidzini. (1)
- 2.3 C/Ngwenyama. (1)

- 2.4 A/Tinciji. (1)
- 2.5 Umlumati. (1)
- 2.6 Liphutsa kutsi Mswati wesibili bekafuna kubulala banakabo. Bekafuna kukhulunyiswane ngebudlelwane lobungasibuhle emkhatsini wakhe nebanakabo. (2)
- 2.7 Kusho kutsi imisebenti lemhle umuntfu lekayentako asaphila ayibongwa ibongwa uma sekafile/Imisebenti lemhle umuntfu lekayentako akukhulunywa ngayo kodvwa kukhulunywa ngayo sekafile. (2)
- 2.8 Khambi watfunywa kaMahamba naseBhadzeni kuyewubita Fokotsi, Ndlela naSomcuba. (2)
- 2.9 Umuntfu kumele ahlalele etsembeni angalilahli. (2)
- 2.10 -Mswati abebukane netitsa letifuna kumhlasela.
-Banakabo bebamsongela bambangisa bukhosi. (2)
- 2.11 Lamavi ashiwo nguTsandzile acinisa Mswati kuletinkinga lekabukane nayo. (2)
- 2.12 Uyise waMawewe abengundvunankhulu wamkhulu waMswati lotala make wakhe. (2)

2.13

KHOLOMU A	KHOLOMU B
2.13.1 Khambi	A Inceku yaMswati
2.13.2 Khubalo	B Inyanga yesive.
2.13.3 Imigadlela	C Libutfo lenkhosi
2.13.4 File	D Unina lomncane waMswati

- 2.14 Ludvweshu lukhona silubona lapho banakabo babamba imihlangano enkhwace ngenhloso yekumkipha esihlalweni Mswati. (2)
- 2.15 Tsandzile uvetwe njengemlingisi longumholi locotfo nalotsembekile. Tsandzile waphumelela kuhola sive ngekwetsembeka ngalesikhatsi Mswati asemncane. (2)
- 2.16 - Kusifundzisa kutsi titsa takho kubalulekile kutsi ucocisane nato kute tilibone liciniso ungatibulali
- Umuntfu lofisela labanye lokubi nalofuna kutsatsa umbuso ngenkhani siphetho sakhe siba buhlungu njengoba kwentekile kubanakaboMswati wesibili.
(Timphehndvulo titaweuhluka.) (2)

- 2.17 - Mswati wesibili wanika Somcuba sigodzi sakuMahamba imfuyo nebantfu labatawuba ngaphasi kwaboFokotsi.
- Ndlela wanikwa sigodzi, imfuyo nebantfu labatawuba ngaphasi kwakhe. (2)
- 2.18 Kugigiyela kukhuluma lokungavakali nalokungashayi khona. Mswati ufuna imphevdulo ngekushesha kodwa Sicobolonjwane utsatsa sikhatsi kunika imphevdulo ubamba uyayekela. (2)
- 2.19 Sicobolonjwane inhloli yenkhosi lehamba ngetinyawo emabanga lamadze idzabule tintsaba netintsatjana, emahlatsi nemahlashana atfungatsa luhala lwetitsa tenkhosi. (2)

[35]

SAMBA SIGABA A: 35

SIGABA B: UMDLALO

UMBUTO 3: LAHLOMA LADVUMA – Z Motsa

Kubhalwa ngebalingisi LABATSATFU labamcoka kulomdlalo kuvetwe kutsi yini lenhle nalembi ngabo.

Singeniso

Bahlolwa kumele bavete balingisi labatsatfu labamcoka kulomdlalo kuvetwe kutsi yini lenhle nalembi ngabo.

Umtimba

IMbiba.

- Ngumholi lohlukile kulabanyenti. Utsandza kuletsa ingucuko enkhambisweni yebukhosi ngekushiya sihlalo sebukhosi adedele emadvodzana akhe lasesemasha kutsi atsatse bukhosi. Lokuhle ngaye ngiko kushiyela labanye sikhundla nakabona kutsi sewukhulile. Lokubi ngukutsi angenti njangenjwayelo kutsi inkhosi iyakhetfwa, ayibukhankhaseli bukhosi, akhetse lotawuphatsa esikhundleni sakhe.

Khetsiwe.

- Khetsiwe usakhamuti lesikhuliswe kahle lesiyatiko indzima lekumele siyidlale ezingeni laso lekuba liphovela. Lokuhle ngaye kuhlonipha imihambo nemasiko. Ubuye avele kabi ngekungatibambi kutsi angatsandzani nalomunye ngaphandle kwaloyo lotawuba yiMbiba. Wenganywa lutsandvo lwaTsembative.

Ndvukutemphi.

Ungumuntfu longenandzaba nalomunye, kuphela kubuka takhe tidzingo. Ufuna kutsi kuphumelele tifiso takhe kungakhatsaleki kutsi ngubani lolimalako nakasafeza letinjongo takhe. Lokuhle ngaye kutsi uyayisukumela intfo layifisako futsi ayilwele nobe ayifele.

SIPHETFO

Kusongwa konkhe lekucocwe ngako emtimbeni wendzabambhalo kubuywe kuphawulwe ngekuphumelela kwembhali ekuveteni similo sebadlali labamcoka, kuvele lokuhle nalokubi ngabo.

BUKA IRUBHRIKI YEKUMAKA INDZABAMBHALO SICHIBIYELO B.

[35]

UMBUTO 4: LAHLOMA LADVUMA – Z Motsa

Timphendvulo temibuto lemifisha

- | | | |
|-----|--|-----|
| 4.1 | A/Bukhosi. | (1) |
| 4.2 | B/NguVusematfwa naTsembative. | (1) |
| 4.3 | B/Emphelave. | (1) |
| 4.4 | C/Siwusita ngekutsi umuntfu akatigcabhe ngelulwimi lwakhe. | (1) |
| 4.5 | A/Bekاتفungatsa uyise langamati. | (1) |

4.6

KHOLOMU A	KHOLOMU B
4.6.1 Sigwaca naTfolwane	D Tindvuna teMbiba.
4.6.2 Kuphahlaka kweludziwo	B Ndvukutemphi uphebete ngesandla.
4.6.3 Sifundvo	C Lutsandvo luyatikhetsela.
4.6.4 Bukhosi buyalahleka	F Vusematfwa ulibele kunatsa tjwala.
4.6.5 Indlovukati	A Khetsiwe.
4.6.6 Livutfondzaba	E Kubekwa Tsembative njengenkhosi.

(6)

4.7 Yebo, sento sayo sekutsi emadvodzana ayo akhankhasele bukhosi siyawacabanisa. (Naleminye imibono yemukelekile) (2)

4.8 Kuselawini laNdvukutemphi. Kukhishwa sikhali emtsangaleni. Loku kuhambisana nalendzawo labakuyo. (2)

4.9 Tsembative ufuna Khetsiwe kunebukhosi ngobe vele akatelanga bukhosi abetele kutfungatsa uyise wabese wenganywa lutsandvo lwaKhetsiwe. (2)

4.10 - Vusematfwa wakhetfwa waba yiMbiba.
- Vusematfwa waphumelela kutfoli Khetsiwe. (2)

4.11 Kuyayisombulula ngobe umbango webukhosi awusekho. Vele bukhosi bunikwa Vusematfwa. (2)

4.12 Ucolisela sento sakhe sekuphika umntfwana nekutsi lomntfwana angasali ahlupheka ngenca yalesento sakhe. (2)

4.13 'Temphi, myekele aphume bo nitawuze nilimatane! (2)

4.14 Luyahambisana. Kubonakala umnyakato wekutsatsa sikhali, wekuvikisa Qedizizwe ngesikhali kanye nemnyakato wekugwazwa. (2)

4.15 Yebo kunjalo ngobe nanobe Ndvukutemphi angafuni umntfwana yena uyaphikelela kuta kuye. (2)

4.16 - Similo saQedizizwe kuletheksthi sifundzisa ummango kutsi ungabometsemba umntfu.
- Qedizizwe wabulala Ndvukutemphi.
- Walahlekisa Vusematfwa kutsi angabutfoli bukhosi. (Timphendvulo titawe hluka.) (3)

4.17 - Yebo, kukhona kumvela buhlungu.
- Ndvukutemphi ubulawa ngumntfu lametsembile Qedizizwe.
- Qedizizwe ubulele Ndvukutemphi ngesihluku. (3)

[35]

SAMBA SIGABA B: 35

SIGABA C: TINDZABA LETIMFISHA

Phendvula indzabambhalo nobe imibuto lemifisha.

UMBUTO 5: *LITSAMBO* – EJ Mhlanga – 'KUHLE KETFU'

Indzabambhalo:

Singeniso

Bahlolwa bendlela indzabambhalo ngekubaluleka kwetifundvo letitfolakala kulabalingisi labatfolakala kulendzatjana.

Umtimba

Emaphuzu langavetwa:

Lapho bahlolwa bayenaba kuloko labakubale lapha esingenisweni lokufaka ekhatsi lokulandzelako:

- Peter ubikela uyise ngekukhulelisa intfombi yakaMdluli. Peter ufundzisa ummango ngekubaluleka kwebantfu labadzala.
- Peter ungumuntfu lokwati konga imali, ngobe washo kuyise kutsi angakhatsateki ngobe imali yekulobola nemshado ikhona.
- Peter ufundzisa ummango kutsi ukwati kutibekela imali ngaso sonkhe sikhatsi.
- Mahlindza Magagula wagcina avumile kutfumela bantfu kuyewulobola intfombi yakaMdluli.
- Ummango ufundza kubambisana kwemndeni ngobe bavumelana ngekuyolobola kuphindze kube nemshado.
- Mahlindza ngubabe waCynthia makoti wakhe kepha akakwati loko ngobe washiya Lomavundvo lobekayintfombi yakhe atetfwele.
- Mahlindza wabona Lomavundvo emshadweni waCynthia, wamangala uma eva atsi Cynthia indvodzakati yakhe.
- Lomavundvo wacela Mahlindza kutsi emise umshado kepha wehluleka Mahlindza
- Batali bangabolahla bantfwana babo ngobe bantfwana batawushadana bangatati kutsi bahlobene nobe cha.

Siphetfo:

Kusongwa konkhe lekucocwe ngako emtimbeni wendzabambhalo kubuywe kuphawulwe ngekuphumelela kwembhali ekwetfuleni tifundvo.

BUKA IRUBHRIKI YEKUMAKA INDZABAMBHALO SICHIBIYELO B.

[35]

UMBUTO 6: LITSAMBO – EJ Mhlanga LIGUNDVWANE

- 6.1 C/Bekanguthishela (1)
- 6.2 D/Sikhatsi sanyalo (1)
- 6.3 B/R500,00 (1)
- 6.4 Umsindvo lobewuvakala bewufana nekhukhala kweligundvwane. (1)
- 6.5 Kungaveti kahle emaciniso aloko lokuhlupha LaTfwala.
Kubaleka nemali ngobe esaba kutsi LaTfwala angahle ayifune. (1)
- 6.6 (Timphehvulo titawehluka.)
Wesaba kutsi angahle amtsetsisele kutsi sewuhamba tinyanga.
Wesaba kutsi angahle amhleke. (2)
- 6.7 Kulalela umntfwana uma akukhulumisa ngaleso sikhatsi ungamtsatseli phasi
ngobe angumntfwana.
Ungabocabangela bantfu kutsi bayakuloya ungenaso siciniseko saloko ngobe
ungatitfoli usengotini.
(Timphehvulo titawehluka.) (2)
- 6.8 Wamtsengela makhalekhikhini.
Wamtsengela indlu eWitbank edolobheni. (2)
- 6.9 Yebo, siyaheha ngobe lofundzako ufuna kwati ngaleligundvwane lelikhala
esikhwameni saLaTfwala kutsi lingene njani. (2)
- 6.10 Lutsandvo.
Msibi wakhombisa lutsandvo kumkakhe ngekumnika siph
samakhalekhukhwini nendlu edolobheni laseWitbank. (2)
- 6.11 Kuthulile akunamsindvo.
Kunaka takho tindzaba.
Akucelwana boshukela kumbe lokunye.
Kubili kwaloku.
(Timphehvulo titawehluka.) (2)
- 6.12 Kufika kwaKhekhekhe loyinyanga.
Lapho kuwa khona intfo lemnyama lebayibukisisa bonkhe betfuka bangati
kutsi yini.
Kwatsi kusenjalo yatswitswita betfuka futsi. (3)
- 6.13 Khekhekhe walubona lolutsandvo ekuphenguleni kwakhe.
Khekhekhe wabona indvodza letsandza laTfwala.
Esiphetfweni nembala yavela lendvodza letsandza LaTfwala ngekumangalisa
umkayo ngesiph o samakhalekhikhini. (3)

- 6.14 Khekhekhe inyanga lenesimilo lesibi.
Ukhohlisa LaTfwala.
Ubaleka nemali.
Ukhokhisa LaTfwala imali lenyenti abe liciniso alati.
Kutsatfu kwaloku. (3)
- 6.15 Liciniso.
Akazange amnake umntfwana wakhe sikhatsi lesidze ngalesikhatsi amtjela ngaleligundvwane.
LaTfwala wakholwa ngalesikhatsi ativela yena ligundvwane likhala esikhwameni sewashini. (3)
- 6.16 Ukholelwa etinyangeni.
LaTfwala ucabanga kutsi uyaloywa.
Wahamba wayophengula kaKhekhekhe. (3)
- 6.17 Yebo sinayo.
Siphetfo lesilindzelekile asizange kube ngiso.
Kunekutsi kuvele ligundvwane kwavela makhalekhikhini. (3)

[35]

SAMBA SIGABA C: 35

SIGABA D: TINKONDLO

UMBUTO 7

- 7.1 C/Imvumelwanosicalo. (1)
- 7.2 Sifanangwaca. (1)
- 7.3 Sonkondlo uyibhekise ebantfwini labangemavila. (1)
- 7.4 Intfutwane ikhutsele, ucondze kunika labakhutsele umdlandla wekutsi bakhutsale nalabo labavilaphako kutsi basebente njengentfutwane. (Timphevdvulo titaweuhluka.) (1½)
- 7.5 Sifaniso
Lesinongo sibumbene ngobe sonkondlo ufisa kuba njengentfutwane lekusilwane lesikhutsele futsi lesinelikhaya laso. (2)
- 7.6 Inkondlo ikhuluma ngentfutwane
Silwane lesati tikhatsi temnyaka. (Timphevdvulo titaweuhluka.) (2)
- 7.7 Imigca kuleso naleso sitandza ayilingani, imigca itsi ayibe mibili, mine, sishiyagalombili.
Emagama kulowo nalowo mugca awalingani/Imigca ayikahleleki. (2)
- 7.8 Intfutwane iyazuza ekugcineni ngenca yekukhutsala kwayo nekusebentisa sikhatsi ngendlela lekhombisa kuhlakanipha.
Nemuntfu kufanele atihlelele imphilo yakhe. Abeke tilinganiso tekutsi ngesikhatsi lesitsite ngitawube sengente loku naloku emphilweni yami. (Timphevdvulo titaweuhluka.) (2)
- 7.9 Sicatsanisi/Kucatsanisa.
Lokuhle kulandzele lokubi (2)
- 7.10 - Ngumoya lokhombisa kukhutsala nenjabulo.
- Intfutwane kuba khona injabulo kuyo uma ngabe iphumelele kwenta umsebenti wekucongelela kudla ngesikhatsi.
- Ngekhutsala kwayo iyasigcina sikhatsi uma icongelela kudla kwayo. (Timphevdvulo titaweuhluka.) (3)
- [17½]

UMBUTO 8

- 8.1 B/Luchumanosigcino. (1)
- 8.2 Sifaniso. (1)
- 8.3 Sitfombe lesifaniswa nebantfwana labavikelwe ngunina wabo. (Timphevdvulo titaweuhluka.) (1½)

- 8.4 Sonkondlo ucondze kutsi gogo unelwati lolunyenti lanalo ngaso sonkhe sikhatsi nobe ngabe ngikuphi lapho umtfola khona. (2)
- 8.5 Sonkondlo ucondze kusitjela kutsi noma umtimba wagogo ubutsakatsaka kepha imphilo isekhona njengemoto letselwe phethiloli. (2)
(Timphehvulo titaweuhluka.)
- 8.6 - Ngumoya lokhombisa injabulo.
- Sonkondlo ujabulela kutsi sikhona silulu selwati lesingugogo lapho atfola khona lwati.
- Sonkondlo utsakasile ngobe gogo usaphila nobe umtimba ungasavumi. (2)
(Timphehvulo titaweuhluka.)
- 8.7 I-enjambamenti. (2)
Umcondvo locala emigceni ye-13 uphelela emgceni we-14.
- 8.8 Inkondlo leyilirikhi/Lelandzisako. (3)
Sonkondlo usilandzisela kubaluleka kwagogo lofaniswa nemtapo.
Sonkondlo usilandzisa ngebuhlakani lobutfolakala kugogo.
- 8.9 - Sonkondlo ukhuluma ngagogo lonemlandvo wakadzeni nelwati mayelana nemphilo.
- Sonkondlo utsi gogo ungiko konkhe ngobe uyafundzisa ucedza situnge ebantfwaneni bakhe.
- Sonkondlo ubonga gogo ngelwati lekalutfole kuye utsi nobe gogo abonakala agugile kepha inhltiyo yakhe isengakagugi inelwati lolunyenti. (3)
(Timphehvulo titaweuhluka.) [17½]

UMBUTO 9

- 9.1 Imvumelwanosicalo. (1)
- 9.2 D/Ncamul'emave uyavuma kutsi aye nobe kukuphi. (1)
- 9.3 B/Simuntfutisi. (1)
- 9.4 A/Luchumanosicalo. (1)
- 9.5 Sigitjelwa. (1½)
- Sikhikhikhi Lomagadvula sishingishane selucobo.
- Uma sekujika ekhoneni kudzela sibukeli.
- Akakhononi ngisho akhonjwa leya eKZN indlela.
Kunye kwaloku.
(Timphehvulo titaweuhluka.)
- 9.6 - Ngumoya wenjabulo sonkondlo ujabulela imoto yakhe lemphetse kahle ngobe ihamba emabanga lamadze ingakhononi.
- Sonkondlo uyayitsandza imoti yakhe ngobe yihle futsi inesivinini. (2)
(Timphehvulo titaweuhluka.)

- 9.7 - Sonkondlo ukhuluma ngancamul' emave wakhe lekamtsandzako. Loncamul' emave wasonkondlo ubhukula imincele nemabanga lamadze, sonkondlo unesikhwele ngalancamul' wakhe akafuni kutsi abolekwe ngulabanye bantfu. (Timphehndvulo titaweuhluka.) (2)
- 9.8 'Sifungo sekutsi siyofa silahlane sisecinile' Sifanangwaca. (2)
- 9.9 Ngendlela lekayitsandza ngayo sonkondlo imoti yakhe sewente sincumo sekutsi yena nemoti yakhe ngete behlukana. (2)
- 9.10 Sonkondlo ucondze kutsi uva tinyembeti tiyaphuma etihlatsini kukhala kungete kwamsita ngalutfo. (2)
- 9.11 Lesinongo sesimuntfutiso sisetjentiswe kwangatsi lemoti ingumuntfu inemehlo iyabona lokudzingwa ngumnikati. (2)
[17½]

UMBUTO 10

- 10.1 D/Luchumanosicalo (1)
- 10.2 C/Mnukubeti Wemvelo (1)
- 10.3 Sifanisongco. (1)
- 10.4 Emaphepha, emaphepha emabaleni etfu Sifanankhamisa (1½)
- 10.5 - Emagama emugceni ngamunye asukela kulamabili kuya kulasihlanu.
- Imigca kuleso naleso sitandza ayilingani/ayikahleleki.
- Letinye titandza tinemigca lengu-8 kantsi letinye titandza tinemigca lesi-5. (3)
- 10.6 Sonkondlo ucondze kusitjela kutsi tinsuku talona lonukubeta imvelo tiphelile. (2)
- 10.7 - Sonkondlo ukhuluma ngemuntfu lonukubeta imvelo.
- Utsi sonkondlo kunukubeteka kwemvelo kuba nemphumela lomubi etimphilweni tebantfu. (Timphehndvulo titaweuhluka.) (2)
- 10.8 - Lesaga siyabumbana nesihloko senkondlo lesitsi 'Mnukubeti Wemvelo'
- Sonkondlo ucwayisa banukubeti bemvelo kutsi ngalelinye lilanga batayidzinga Imvelo lebadlala ngayo. (Timphehndvulo titaweuhluka.) (2)
- 10.9 - Kungcola kwemvelo kubeka timphilo tebantfu engotini.
- Kudala tifo letehlukahlukene letingenta bantfu bagule. (Timphehndvulo titaweuhluka.) (2)

- 10.10 Ngekusebentisa imphindza sonkondlo ucondze kugcizelela nekucwayisa.
Emabhodlela, emabhodlela emigwacweni yetfu.
Emaphepha, emaphepha emabaleni etfu.
Mnukubeti, Mnukubeti.
Konkhe loku lakubalako sonkondlo sekwengcile akusatsandzeki.
Kubili kwaloku.

(2)
[17½]

SAMBA SIGABA D: 35
SAMBA SISONKHE: 70

TICONDZISO TEKUMAKA

- Nangabe lohlolwako aphendvule imibuto leminyenti kunaleyo lelindzelekile, maka imphendvulo yekucala. **(Lohlolwako ngete aphendvula imibuto leyindzabambhalo nalemifisha ngencwadzi lefanako)**
- Etigabeni A, B, C na D lohlolwako uphendvula ngetincwadzi letimbili kuphela, CAPHELA: Esigabeni D lohlolwako akaphendvule imibuto lemibili kuphela.
- Esigabeni D, nangabe lohlolwako aphendvule yonkhe imibuto lemine ngetinkondlo letifundvwe ekilasini, maka imibuto lemibili kuphela.
- Nangabe lohlolwako anika timphendvulo letimbili, yekucala ingahambisani nalokubutiwe bese yesibili yona ihambisana nalokubutiwe, maka yekucala uyekele lelandzelako.
- Nangabe tinombolo tetimphendvulo tingahambisani naleto teliphepha lemibuto maka ulandzele imemorandamu.
- Nangabe liphutsa lekupela litsikameta inshokutsi, ayingemukelwa imphendvulo. Nangabe loku kungatsikameti inshokutsi, ayemukelwe imphendvulo.
- **Indzabambhalo:** Nangabe budze bendzabambhalo bungaphasi kwelinani lemagama lalindzelekile, lohlolwako akajeziswa. Nangabe indzabambhalo iyindze kwengca linani lelilindzelekile lemagama, buka kuphela emagama langema-30 ngetulu kwalawo lalindzelekile bese **awuwanaki lawo lamanye langetulu kwema-30, KEPHA SIPHETFO KUMELE SIHLOLWE.**
- **Imibuto lemifisha:** Nangabe lohlolwako angasebentisi bokhulunyiwe (") nakaceliwe kutsi acaphune, akajeziswa.
- Emibutweni ye**LICINISO** nobe**LIPHUTSA/LIPHUZU** nobe **UMBONO**, limaki kumele lehlukaniswe. Nika limaki linye embutweni we**LICINISO** nobe we**LIPHUTSA/weLIPHUZU** nobe **UMBONO** bese unika limaki lesizatfu/kwesekela, kucaphuna. Limaki lesizatfu/kwesekela, kucaphuna kumele linikwe nangabe lencenye yembuto we**LICINISO** nobe**LIPHUTSA/LIPHUZU** nobe **UMBONO** ihambisana netimphendvulo (Akunganikwa limaki lesizatfu/kwesekela, kucaphuna nekuchaza nangabe lencenye lekhomba kutsi **LICINISO** nobe**LIPHUTSA/LIPHUZU** nobe **UMBONO** ingahambisani netimphendvulo.)

SICHIBIYELO A**EMARUBHRIKI EKUMAKA INDZABAMBHALO YENOVELI NEMDLALO****I-Rubhrikhi yekuhlola I eseyi yeTemibhalo-[35 emamaki]**

EMAZINGA EMAMAKI LAKLONYELISWAKO		LOKUCUKETFWE (25) KUCHAZWA KWESIHLOKO, KUJULA KWEMIBONO, KUSEKELA NEKUVISISA UMSEBENTI LOMELE WENTIWE.	EMAMAKI LAKLONYELISWAKO NALOKUPHAWULWAKO	SAKHIWO NELULWIMI (10) KUHLELEKA KWEMISEBENTI NEKUSENTJETISWA KWELULWIMI. LUHLAKA,SAKHIWO KULANDZELANA NEKWETFULWA KWEMIBONO -KUSENTJETISWA KWELULWIMI ITHONI NESITAYELA LESIFANELE.
Lizinga 7 80%–100%	Emalengiso 20–25 Emamaki	-Sihloko usivisisa ngalokujulile. -Tonkhe tinhlangotsi tesihloko tidzingidvwe ngalokuphelele. -Imphendvulo ingemalengiso (90%–100%). -Kunemibono lenembako levakalako lesekelwe ngekucaphuna encwadzini lefundvwako. -Luhlobo lwembhalo nencwadzi lefundvwako ukuvisisa kahle.	Emalengiso 8–10 Emamaki	-Sakhiwo sihleleke kahle, tindzima tikhomba budlelwano bemicondvo lobuhlanganiswe ngebuciko. - Singeniso nesiphetfo kubhaleke kahle kakhulu. -Imibono lebalulekile ihlelwe kahle kakhulu yasekelwa ngalokuvakalako. -Lulwimi, ithoni nesitayela kukhomba kucabanga lokutfufukile, lokuncomekako nalokwemukelekako.
Lizinga 6 70%–79%	Licophelo Lelisetulu 170½–19½ Emamaki	-Sihloko sichazwe ngendlela lekhomba kuvisisa umsebenti. Tonkhe tinhlangotsi tesihloko tidzingidvwe ngalokwanele. - Imphendvulo inemininingwane yonkhe ledzingekako. - Imibono levakalako minyentana. -Isekelwe kahle ngekucaphuna encwadzini lefundvwako. -Luhlobo lwetemibhalo nencwadzi ukuvisisa kahle.	Licophelo lelisetulu 7–7½ Emamaki	-Indzaba ihleleke kahle. -Singeniso nesiphetfo kuhle kakhulu. -Imicondvo, nemibono yakhe ilandzeleka kalula. - Lulwimi, ithoni nesitayela kwemukelekile futsi kuhambisana nenhlosongco yembhalo. -Indzaba yetfuleke kahle.

Lizinga 5 60%–69%	Lokuncomekako 15–17 Emamaki	-Indzaba ikhomba kuvisisa nekusichaza kahle sihloko. -Imphendvulo inemininingwane lencomekako. -Leminye imibono levakalako iniketwe yasekelwa ngekucaphuna encwadzini, kodwa hhayi ngalokunembako. -Tikhona tinkhomba tekuvisisa luhlobo lwetemibhalo kanye nencwadzi lefundvwako.	Lokuncomekako 6–6½ Emamaki	-Sakhiwo siyacaca nemicondvo yetfulwe ngalokulandzelekako. -Singeniso, siphetho, naletinye tindzima kuhleleke ngalokukhomba budlelwane bemicondvo. - Kwetfulwa kwemibono kuyalandzeleka. - Lulwimi, ithoni, nesitayela kuyancomeka futsi kuyemukeleka.
Lizinga 4 50%–59%	Lokwenetisako 12½–14½ Emamaki	-Sihloko sichazwe ngalokwenetisako kodwa akakhoni kudzingidza tonkhe tinhlangotsi. -Ikhona leminyane imibono lesekelwa kodwa lobufakazi abusibo lobujabulisako. -Luhlobo lweTemibhalo nencwadzi ukuvisisa kancane.	Lokwenetisako 5–5½ Emamaki	-Tikhonyana tinkhomba tekuhleleka kwendzaba. -Indzaba ite kahle sakhiwo lesinemicondvo lelandzelekako lebumbene kahle. -Kunemaphutsa ekusebentiseni lulwimi. -Ithoni nesitayela kusebentiseke kahle. -Sikhatsi lesinyenti tindzima cishe tibhaleke kahle.
Lizinga 3 40%–49%	Lokulingene 10–12 Emamaki	-Imphendvulo ayinalo lisasasa, ayihehi. -Imphendvulo ikhomba kusivisisa kancane sihloko. -Imibono ayivakali kahle futsi uyisebentisa kancane incwadzi kwesekela imibono yakhe. -Umfundzi akaluvisisa kahle luhlobo lwembhalo noma lencwadzi lefundvwako.	Lokulingene 4–4½ Emamaki	-Luhlaka nesakhiwo lunemaphutsa. -Imibono ayikahleleki ngalokukhomba kuhambelana kwemicondvo. - Kunemaphutsa ekuhleleni tindzima. -Kunemaphutsa ekusebentiseni lulwimi. -Ithoni nesitayela akuhambisani nenhloso yalombhalo.
Lizinga 2 30%–39%	Lokuyincenye 7½–9½ Emamaki	-Sihloko usivisisa kancane ngalokungenetisi. -Uyatiphindzaphindza, ahle aphuma nasesihlokweni anhlahlatsa. -Imibono ayijuli, inchazelo yesihloko inemaphutsa. -Imibono ayikasekelwa ngekucaphuna encwadzini lefundvwako. - Incwadzi akayati kahle neluhlobo lwetemibhalo akaluvisisa kahle.	Lokuyincenye 3–3½ Emamaki	-Indzaba yetfulwe ngalokungenelisi. -Kweswelakala kwesakhiwo kwenta imibono ingalandzeleki. -Lamaphutsa lamanyenti avele ente le eseyi ibe ngumbhalo longakaphumeleli.
Lizinga 1 0%–29%	Akunamphumelelo 0–7 Emamaki	-Imphendvulo inako kuhambelana nesihloko kodwa imibono ilandzeleka kalukhuni. -Kulesinye sikhatsi ayihambelani nesihloko. -Umbuto awukaphendvuleki ngendlela lefanele. -Imibono lemincane lekhona ayikasekelwa ngekucaphuna encwadzini lefundvwako. -Kuvisisa luhlobo lwetemibhalo noma incwadzi lefundvwako kusezingeni leliphansi kakhulu.	Akunamphumelelo 0–2 Emamaki	-Kulukhuni kubona kutsi uphendvula ngesihloko labutwe ngaso. -Kute luhlaka nesakhiwo. -Kute tindzima noma kuchumana kwetindzima noma kwemicondvo. -Lizinga lekusebentisa lulwimi liphasi kakhulu. -Ithoni nesitayela akukasebentiseki kahle.

SICHIBIYELO B**EMARUBHRIKI EKUMAKA TINKONDLO**

EMARUBRIKI EKUMAKA INDZABAMBHALO YETINKONDLO LULWIMI LWASEKHAYA (10 EMAMAKI)	LULWIMI Sakhiwo, kutselana emanti kwemibono kanye nesetulo. Lulwimi, umoya. Nesitayela lesisetjisiwe endzabenimbhalo	Emalengiso -Kunekubumbana kwesakhiwo. - Singeniso nesiphetho kungemalengiso. -Imibono yakheke kahle yatfutukiswa ngemalengiso. -Lulwimi, liphimbo nesitayela kuvutsiwe kungemalengiso.	Licophelo lelisetulu -Itheksti yakheke ngelicophelo lelisetulu. - Singeniso nesiphetho kusecophelweni lelisetulu. - Imibono ilandzeleka kalula. -Lulwimi, liphimbo nesitayela kulungile kuhambisana nenjongo. - Umbhalo wetfulwe kahle.	Lokuncomekako -Sakhiwo lesicacile nemibono levakalako. - Singeniso nesiphetho naletinye tindzima kubumbene. - Imibono iyevakala Lulwimi, liphimbo nesitayela kulungile	Lokwenetisako - Kunebufakazi lobutsite besakhiwo. - Umbhalo awuvisiseki futsi awukabumbani. - Kunemaphutsa lambalwa elulwimi. -Liphimbo nesitayela lokufanene. -Tindzima tikahle.	Lokulingene - Sakhiwo siveta emaphutsa ekuhlela. - Imibono ihlangahlangene. - Kunemaphutsa elulwimi. -liphimbo nesitayela akuhambisani nenhloso yembhalo. -Tindzima tinemaphutsa.	Lokuyincenye - Kwetfuleka kabi nekungahleleki kwesakhiwo kwenta imibono ingevakali. - Emaphutsa elulwimi. nesitayela lesingakalungi kwenta umbhalo longenamphumelelo. - Tindzima tinemaphutsa.	Lokungenamphumelelo - Kulikhuni kubona kutsi sihloko silandzelwe. - Akunabufakazi bekuhlela futsi akuvakali. - Lulwimi lunemaphutsa lamanyenti. - liphimbo nesitayela lokungakalungi. - Akunatindzima nekubumbana.
LOKUCUKETFEWE Kuvisisa sihloko. Kujula kwemibono, kwesekela nekuvisisa inkondlo		7 80–100%	6 70–79%	5 60–69%	4 50–59%	3 40–49%	2 30–39%	1 0–29%
Emalengiso Uvisisa sihloko ngalokujulile, kwehlwaywe tonkhe tinhlangothi. - Timphendvulo letingemalengiso: 90%+. - Timphendvulo letisecophelweni lelisetulu: 80 – 89%. - Tinhlobo letehlukile temibono lebanti lehehako tesekelwe ngemalengiso ngekucaaphuna enkondlweni. - Uvisisa luhlobo lwembhalo kanye nenkondlo ngemalengiso.	7 80–100%	8–10	7–7½	7–8				

Licophelo lelisetulu Uvisisa sihloko ngelicophelo lelisetulu, kwehlwaywe tonkhe tinhlangothi ngalokwenetisako. Timphendvulo letinemininingwane lephelele. Unikwe tinhlalo letehlukene temibono levakalako, wesekele kahle ngekucaphuna enkondlweni. Uvisiswa luhlobo lwembhalo nenkondlo ngelicophelo lelisetulu.	6 70–79%	7½–8½	7–8	6½–7½	6–7			
Lokuncomekako Ukhombisa kuvisisa abuye ahumushe sihloko ngalokuncomekako. Imphendvulo inemininingwane lencomekako. Unikete imibono levakalako, kepha ayikesekelewa yonkhe ngendlela lelindzelekile. Kunebufakazi bekuvisisa luhlobo lwembhalo nenkondlo ngalokuncomekako.	5 60–69%	7–8	6½–7½	6–7	5½–6½	5–6		
Lokwenetisako -Uhumushe sihloko ngalokwenetisako lamanye emaphuzu awakahloliswa. -Kunemaphuzu latsite lamahle lasekele sihloko. -Leminye imibono yesekelwe kepha bufakazi kulesinye sikhatsi abenetisi. -Unekuvisisa luhlobo lwembhalo nenkondlo ngalokwenetisako.	4 50–59%		6–7	5½–6½	5–6	4½–5½	4–5	
Lokulingene Umtamo lolingene wekuphendvula umbuto. Imphendvulo ikhombisa lwati loluncane ngesihloko. Imibono ayenelisi kunekusekela lokuncane lokuchamuka enkondlweni. Umfundzi usengakaluvisisa luhlobo lwembhalo nobe inkondlo.	3 40–49%			5–6	4½–5½	4–5	3½–4½	3–4

Lokuyincenye Akavisisi sihloko. Imphendvulo inekuphindzaphindza kulesinye sikhatsi iphumile esihlokweni. Imibona ayikajuli, emaphutsa ekihumusha/Imibono ayikasekelwa ngalokusenkondlweni. Umfundzi akanalwati lweluhlobo lwembhalo nobe inkondlo.	2 30–39%				4–5	3½–4½	3–4	1–3½
Lokungenamphumelelo Imphendvulo inekuhamisana lokutsite nesihloko kepha kulikhuni kuyilandzela nobe esikhatsini lesinyenti iyanhlahlatsa. Wehlulekile kuphendvula sihloko. Umfundzi akanalwati lweluhlobo lwembhalo nobe inkondlo.	1 0–29%					3–4	1–3½	0–3

[10]